



Байрамингиз муборак, мунис ва меҳрибон она-сингиллар!



Ҳақсевар, она юрт, мангу бўл обод!

Вилоят
ижтимоий-сиёсий
газетаси

2019 йил
8 март
ЖУМА

№ 17-18 (13174-75)

@haqiqatonline

ТОШКЕНТ ҲАҚИҚАТИ

1928 йил 11 декабрда асос солинган

ҲАЁТИМИЗ ГУЛТОЖИ, МУНИС АЁЛЛАРИМИЗ ҲАМИША ЭЪЗОЗДА

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ХАЛҚАРО ХОТИН-ҚИЗЛАР КУНИГА БАҒИШЛАБ ЎТКАЗИЛГАН ТАНТАНАЛИ МАРОСИМДАГИ НУТҚИ

Ассалому алайкум, муҳтарам она-сингиллар!
Хурматли дўстлар!
Бугун мана шундай дилбар, қутлуг баҳор айёмида сиз, мунис оналаримиз, хурматли она-сингилларимиз, сулув қизларимизни ўларингиз каби гўзал байрамингиз – Халқаро хотин-қизлар куни билан чин қалбимдан муборакбод этаман.
Сизларнинг тимсолингизда бутун Ўзбекистон хотин-қизларини табриклар, барчангизга чуқур ҳурмат-эҳтиром ва эзгу тилакларимни билдираман.
Қадрли юртдошлар!
Ҳаммамиз яхши тушунамиз, "Меҳр – ҳаётнинг устун" деган сўзларда чуқур маъно ва мазмун мужассам.
Бу ҳақда гапирганда, муқаддас она, аёл зоти – чинакам меҳр булоғи, меҳр кўёши, десак, ҳар томонлама тўғри бўлади. Шу кўёш бор экан, меҳр-оқибат, эзгулик ва адолат, вафо ва садоқат каби буюк қадриятлар неча асрлардан буён безавол яшаб келмоқда.
Шу боис бугунги қувончли айёмда аввало дунёда "фидойи" деган сўзга энг муносиб бўлган Она сиймоси олдида

таъзим қиламиз. Ҳаётимиз қувончи, хонадонларимиз кўрки бўлмиш азиз аёлларимиз шаънига энг гўзал тилакларимизни изҳор этамиз.
Ер юзиде сўз ва соз санъати, шоиру ҳофиз, рассом ва ҳайкалтарош пайдо бўлибдики, она ва аёл зоти юксак пардаларда тараннум этиб келинади. Улуғ шоиримиз Эркин Воҳидов айтганларидек, "Оламда аёл мадҳига дoston тугамайди". Чунки, аёл сиймоси Яратганинг тенгсиз мўъжизаси бўлиб келган ва ҳамиша шундай бўлиб қолади.
Бизга мана шу ёруғ, гўзал оламни янада гўзал ва ёруғ қилиб турганларингиз учун катта раҳмат сизларга!
Биз – Ўзбекистоннинг мард ўғлонлари, эр йигитлари сиз, азизларга бўлган ҳурматимиз, меҳр ва муҳаббатимизни оилаларимиз, эл-юртимиз ҳаётини янада обод ва фаровон қилишга қаратилган амалий ишларимиз билан изҳор этишга интиломқдамиз.
Биз халқимиз розилигини, аввало, сиз, муҳтарам оналаримиз, она-сингилларимизнинг розилиғи деб тушунамиз. Сизларнинг соғ-саломат бўлиб, бахтли бўлиб яшашингизни амалга ошираётган барча-барча ислохотларимизнинг асосий мақсади ва мезони деб биламиз.

Бу йўлда эришган натижаларимиз фақатгина биринчи қадамлар бўлиб, сизларнинг қўллаб-қувватлашингиз, дуоларингиз, ҳеч шубҳасиз, бизга чексиз куч-ғайрат бағишлайди.
Қадрли она-сингиллар!
Маълумки, ҳозирги вақтда мамлакатимиз аҳолисининг қарийб 50 фоизини хотин-қизлар ташкил этади. Лекин сизларнинг барча соҳалардаги самарали меҳнатингиз, фарзандлар тарбияси, оила ҳаётидаги улкан хизматларингизни ҳисобга олиб айтганимиз бўлса, жамиятдаги ўрнингиз, Ўзбекистонимиз эришаётган ютуқлардаги беқиёс ҳиссангизни ҳеч нарса билан ўлчаб, баҳолаб бўлмайди.
Бугунги кунда давлат ва жамоат ташкилотлари тизимида 1 минг 400 га яқин она-сингилларимиз раҳбарлик лавозимларида ишламоқда. Хотин-қизларнинг улуғи соғлиқни сақлаш ва ижтимоий хизматлар соҳасида 82 фоиздан зиёд, илм-фан, таълим-тарбия, маданият ва санъат соҳаларида 72 фоизни, қишлоқ хўжалигида 45 фоиздан ортқини, sanoatда 38 фоизни ташкил этмоқда. Ва сизларнинг сидқидилдан қилаётган меҳнатларингиз давлатимиз, халқимиз томонидан муносиб тақдирланмоқда.

Давоми 3-бетда ➡

2019 йил – Фаол инвестициялар ва ижтимоий ривожланиш йили ДАВЛАТ ДАСТУРИ ИЖРОСИ ЖАМОАТЧИЛИК НАЗОРАТИДА

Тошкент вилоятида 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини Фаол инвестициялар ва ижтимоий ривожланиш йилида амалга оширишга оид Давлат дастурида белгиланган вазифалар мазмун-моҳиятини кенг жамоатчиликка етказишга бағишланган семинар бўлиб ўтди.



Видеоселектор шаклида ташкил этилган мулоқотда Халқ депутатлари маҳаллий Кенгашлар депутатлари, ҳокимликлар, вилоятдаги бошқарма ва ташкилотлар, фуқароларнинг ўзини ўзи бошқариш органлари раҳбарлари, оммавий ахборот воситалари ходимлари иштирок этди.
Ўзбекистон Республикаси Олий Мажлиси Сенати раисининг биринчи ўринбосари С. Сафоев, бандлик ва меҳнат муносабатлари вазири Ш. Кудбиев ва бошқалар Давлат дастурида барча соҳалардаги ислохотларни янада чуқурлаштириш, эркин бозор муносабатлари ва хусусий мулкчиликка асосланган иқтисодий ривожлантириш, аҳоли фаровонлигини юксалтириш, ижтимоий соҳани тубдан тараққий эттиришга қаратилган аниқ чора-тадбирлар белгилаб берилганини таъкидлади.
Тадбирда қатор тегишли бошқармаларнинг "Фаол инвестициялар ва ижтимоий ривожланиш йили" Давлат дастурида улар зиммасига юклатилган вазифалар хусусидаги ҳисоботи эшитилди.
Вилоят соғлиқни сақлаш бошқармаси бошлиғи Т. Арзиқуловнинг таъкидлашича, жорий йилда 30 та тиббиёт муассасасида қурилиш-таъмирлаш ишлари амалга оширилади. Ушбу мақсадлар учун 68,3 миллиард сўм маблағ йўналтирилиши режалаштирилмоқда. Тиббиёт муассасаларига 11 та замонавий махсус тиббий транспорт воситаси берилди.

Давоми 2-бетда ➡

Ўзбекистон Республикаси Президентининг ҚАРОРИ ЗУЛФИЯ НОМИДАГИ ДАВЛАТ МУКОФОТИ БИЛАН ТАҚДИРЛАШ ТЎҒРИСИДА

Мамлакатимизда мўътабар аёл зотига муносиб ҳурмат-эҳтиром кўрсатиш, уларнинг жамиятимиздаги ўрни ва нуфузини ошириш, соғлом ва баркамол авлодни воғга етказиш, ўзининг иқтидори ва ибратли фаолияти билан ёшларга ўрнак бўлиб келаётган, турли соҳа ва тармоқларда қобилият ва имкониятларини рўёбга чиқараётган, ижтимоий ҳаётда фаоллик ва ташаббускорлик кўрсатаётган қизларни муносиб рағбатлантириш мақсадида ҳамда Ўзбекистон Республикаси Президентининг "Зулфия номидаги Давлат мукофотини таъсис этиш бўйича тақлифларни қўллаб-қувватлаш тўғрисида"ги 1999 йил 10 июндаги ПФ-2326-сонли ва "Хотин-қизларни қўллаб-қувватлаш ва оила институтини мустаҳкамлаш соҳасидаги фа-

олиятни тубдан такомиллаштириш чора-тадбирлари тўғрисида"ги 2018 йил 2 февралдаги ПФ-5325-сонли Фармонларига асосан:
1. Ўзбекистон Хотин-қизлар кўмитаси ҳузуридаги Зулфия номидаги Давлат мукофоти комиссиясининг Қорақалпоғистон Республикаси, вилоятлар ва Тошкент шаҳрининг иқтидорли қизларини аъло ҳулки, ноёб истеъдоди, зукколиғи, ташаббускорлиги, ўқишдаги муваффақиятлари ҳамда таълим, фан, адабиёт, маданият, санъат, спорт соҳаларида ва жамоатчилик фаолиятида эришган алоҳида ютуқлари учун Зулфия номидаги Давлат мукофоти билан тақдирлаш тўғрисидаги тақлифлари иловадаги рўйхатга мувофиқ маъқуллансин.

Давоми 4-бетда ➡

БОРИНГИЗГА ШУҚР, АЗИЗ АЁЛЛАР!

Она диёримиз узра қўлдам нафаси уфуриб турган шу кунларда барчамиз Баҳор ва Аёл деган сўзларнинг бир-бирига нақадар ҳамоҳанг ва уйғун эканини беихтиёр ҳис этамиз.
Чунки, Баҳор ҳам, Аёл ҳам инсон кўнглида аввало, ҳаётга муҳаббат, эзгу орзу интилишлар, меҳр ва саховат каби олижаноб ҳиссийатларни уйғотади. Ушбу шуқухли кунларимизни беэганга файзли қўлдамнинг илк фазилатли айёми – хотин-қизлар байрами юртимиз бўйлаб кенг нишонланмоқда.
Вилоятимизнинг барча туман ва шаҳарларидан ташриф буюрган фахрий аёллар, хотин-қизлар "Аёл – оламнинг гултожи" шиори остида ташкил этилган асосий байрам тантаналарини Оҳангарон шаҳридаги LMAX хорижий корхонаси фаолияти билан танишишдан бошладилар. Улар корхонадаги хотин-қизларнинг иш жараёни, яратилган шароитларга баҳо бердилар. Шунингдек, йўл-патруль хизмати ходимлари кузатувида ҳудуднинг диққатга сазовор манзиллари билан танишиб, вилоят марказидаги Она ҳайкали пойига гуллар қўйишди.
Нурафшон шаҳри марказидаги "Диёра" маросимлар уйида 8 март – Халқаро хотин-қизлар куни муносабати билан ўттирилган байрам тадбири эса аёлларимизга унутилмас онларни ҳада этди...



Давоми 2-бетда ➡

Байрам санъат усталари ва ёш ижрочиларнинг концерт дастури билан яқунлади.
Зиёдулла ЖОНИБЕКОВ,
ЎЗА мухбири


Тошкент вилояти Давлат санитария-эпидемиология назорати маркази

табиатнинг буюк мўъжизаси бўлмиш мўътабар аёлларимизни баҳорнинг илк шукуҳли айёми –

8 март — Халқаро хотин-қизлар кун

билан табриклайди.

Сизга эзгу орзу-умидлар, гўзал тилаклар ёр бўлсин!
Ҳар бир хонадонни тинчлик, файз-барака,
қувонч тарк этмасин!



Олмалиқ КОН-МЕТАЛЛУРГИЯ КОМБИНАТИ

акциядорлик жамияти вилоятимизнинг
барча аёллариши

*8 март —
Халқаро хотин-қизлар кун*
билан *гин юракдан қутлайди.*

Жамиятимиз кўрки, оилаларимиз
бахти бўлган муҳтарама
опа-сингилларимизни
ҳеч қачон баҳорий гўзаллик
тарк этмасин! Доимо Сизни
ардоқловчилар меҳр-муҳаббати ва
эътиборида бўлинг, азизлар!



Тошкент вилояти Касаба уюшмалари бирлашмаси Кенгаши

Азиз ва муқаддас
аёлларимизни

*баҳорий гўзаллик ва
нафислик байрами*
билан муборакбод этади.

Гўзаллик ва назокат Сизларни
ҳеч қачон тарк этмасин,
мунис онажонлар,
меҳрибон
опа-сингиллар!



ТОШКЕНТ ҲАҚИҚАТИ
ТАШКЕНТСКАЯ ПРАВДА
Муассис:
Тошкент вилояти ҳокимлиги

Бош муҳаррир
Ғайрат
ШЕРАЛИЕВ

Хафтанинг
чоршанба ва шанба
кунлари чиқади.
Электрон
почталар:
thaqiqat@mail.uz
th-tp@mail.ru

Қабулхона:
Бош муҳаррир ўринбосари:
Масъул котиб:
Бўлим муҳаррирлари:
Шартнома ва эълонлар:
Ҳисоб-китоб бўлими:

Телефонлар:
71 233-64-95, 71 233-58-85 (факс)
71 233-70-10
71 233-55-38
71 233-38-23, 71 233-48-08
71 233-65-59
71 233-54-10

Тошкент вилояти Матбуот ва
ахборот бошқармасида 2011
йил 12 январда 03-001 рақами
билан рўйхатга олинган.

Газета «Тошкент ҳақиқати»
тахририяти компьютер
марказида терилди ва
саҳифаланди.

Навбатчи муҳаррир
Кумуш ЭГАМБЕРДИЕВА
Назоратчи мусахҳиҳ
Аллома АЗИЗОВА
Саҳифаловчи
Тоҳир МАҲМУДУЖАЕВ